

## **Kayëte kigëna mba San Wade yehëhna hnë inji kayëte**

Ale herëk inji kayëte ña wacik umë dënk «Acër». Rac rufahnëd avë haryënkw nkentiko hnë acery sali hna. Kerëhnëka «Asëval, ale tëhna Wën, gë vërahu», rac fëhnëtanëk cery sali nte ye hnam ña do gë bulunda lëwu. Had hnë kayëte ndënkwëryënkw mba San, inji kayëte tëyëkëhni vële haranëd va nkeni vële fëcëtað do ðuñënani hnë kwëtahn paryi hna. Tëyëkëhni nkoni hnë toña hna do hnë injahn hna. Inji kayëte nësëhnëdëhëhni vahnë va antë mawëni vakaraña wamër vante ye sifa watac fo gë vakaraña wamër vante tavëtehnini hn'ikayëte ndënkwëryënkw San.

Wëlin wanës wakwëhn nafa hn' inji kayëte: kayëte, cery sali, toña, Rëm, akwëða.

<sup>1</sup> Ami, acër avë cery sali ÿa, kerëhnëryidëmu wuhne, Asëval, ale tëhna Wën, gë vërahu, vële ÿahnëbu wapacëk. Gena ami fo ÿahnëku bare fëna fop vële yëtëk toña va ñahnënihu.

<sup>2</sup> Ñahnirun kabi toña ÿa gë fuhnë nke do gë fuhnë nkoð kwëlëkwël: <sup>3</sup> Arabi ipërëna ña do ikaÿëhnahn ña gë yam ÿa, le watik hnë Wën Rëm ÿa gë Yesu Këris, Aju Rëm ÿa, nke gë fuhnë hnë toña hna do hnë injahn hna.

<sup>4</sup> Nëñëkowo ðus ante tëkatëbuhëhniwo vërah hu ga tëfëni toña ÿa, gante nke akwëða nte

hnuŷayinäk hnë Rëm ɲa. <sup>5</sup> Awa tame, këlami, Asëval, gena akwëda kasëk ile herëhñëryidëmi ŷi, bare ante hnuŷayinäk kobëri wapëgwa ɲa fo ye: tëfëka ɲahnëlin. <sup>6</sup> Inahn ɲa, umë ye imawëhn vakwëda Wën va. Do akwëda ɲa, had nte wëryërun kobëri wapëgwa hna, umë ye ayasahnëndu hnë watac.

<sup>7</sup> Njëtërun dus, vëwër vëyabah campëni duniŷa li, do vëhni vëwawëna Yesu Këris njijëko nke ahñë. Sifa ahñë arac ye awër do aŷeŷ Këris ŷa. <sup>8</sup> Awa, kwëtëryin hakili, soŷe antë përekan ntëwël doku lëw fu, bare ahnuŷawu fop ile rëfëka ŷa. <sup>9</sup> Ale-wo-le wënëk inë hnë ikaraŷ Këris hna do wok yaŷënëna rac, ahñë arac gena Wën hna. Ale hahnëndak hnë ikaraŷ tac, ahñë arac gë Rëm ŷa nkeni do gë Aju per. <sup>10</sup> Ge ahñë njijëk fagant hun njojat karaŷ kawary, antë ahacawuna do wëla simpaŷi antë ayaŷuna. <sup>11</sup> Ale hacaka ŷa ahñë arac nkentahnik hnë wantiyehn wameh wante ntid ahñë arac ɲa.

### *Watëkwa*

<sup>12</sup> Kwëhñabu yabah ile herëhñëdëmu, bare pecehnëko antë yëdanahnëryiŷu hnë kayëte; bare nahabu yiryiŷu ŷal hun hna do hnësëhnu ami dënk soŷe uhnatah fu wë padahn. <sup>13</sup> Vërah ahery hu Asëval a ale tëhñak Wënu ɲa nkaŷëryidënihi.

**Vikerëh Vikasëk Wën gë Wapëgwala  
Wamey: Vikerëh Vikasëk Wën gë Wapëgwala (New  
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
f961026b-f72f-5bd7-9f75-efa7f932577e